


Osakidetzak 600 milioi aurreztuko ditu botikariekin sinatutako akordioarekin

Errezetekin fakturatutakoaren % 2 emango diote Osakidetzari

Euskal Autonomi Elkarteko botikariekin errezetekin fakturatzen dutenaren % 2 emango diote Osakidetzari, atzo sinatutako akordioaren ostean. Osakidetzak 600 milioi inguru aurreztuko ditu datozen bi urteetan akordio horren ondorioz. Botiken gastuak gora egin du nabarmen azken urteotan.

BILBO

«Akordioak botiken gastua murriztea da helburua», atzo Javier Bergara Osakidetzako zuzendariak aditzera eman zuenez. Bi aldeek atzo Bilbon eskainitako prentsaurrekoan esan zuten, botikariekin hilabeteko fakturatzen dutenaren % 2 emango diote Osakidetzari 1994 eta 1995 urteetan. Osakidetzak 600 milioi aurreztuko ditu neurri honekin. Urte honetarako Osakidetzak



Javier Bergara.

SIMAL

aurrekusi duen botiken gastua 30.000 pezetakoa da.

Gipuzkoako botikarien elkarteko lehendakaria den Miguel Azpilikueta ustez, «nahiz eta badirudien gure aurkakoa dela, gizarte eta osasunaren ikuspegitik aurrerapauso handia da».

Bi aldeek martxoaren 28an sinatu zuten hitzarmenak 1994 eta

1995 urteetarako balio du, «baina 1996an beste edozein motatako aportazioa bideratzeko ateak zabalik daude». Osakidetzako zuzendariak esandakoaren arabera, «azken urteotan gora egin duen botika gastua murriztea da helburua. Administrazioak eginiko ahaleginei esker 1993an gorakada % 10en azpitik kokatu zen».

Bergararen esanetan, errezetatutako botikak ez dira garestitu, bere horretan geratu dira azken urteotan, «baina egun errezetatzen dena garestiagoa da». Osakidetzak eta botikariekin beste neurri batzuk hartu gogo dituzte errezeten gastua gehiago murrizteko, «herrialdeko botikariak bultzatu eta botikak behar bezala erabiltzen eta banatzen erakutsi, besteak beste».

1988. urtetik Euskal Autonomi Elkartean botika gastuak % 50 gora egin du. 1993. urtean Osakidetzak 28.240 milioi gastatu zituen botiketan. Aurten 30.000 gastatuko ditu Osakidetzak.

Ikerketa bultzatzeko hitzarmena sinatu dute Txagorritxu ospitaleak eta Vitalek

GASTEIZ

Vital Kutxa Fundazioak eta Gasteizko Txagorritxu ospitaleak konbenioa izenpetu dute lau ikerketa proiektu bultzatzeko asmoz. Publikoa ez den erakunde batekin lortutako mota honetako lehenbiziko konbenioa dela azaldu zuen atzo Francisco Allende Fundazioko lehendakariak.

Konbenioa, 2,5 milioi pezetakoa (108.000 liberatik gora), urtebetekoa da eta 1994an garatzeko proiektuak Txagorritxu gasteizko ospitaleak daraman «ikerketa lan ildoari jarraiki» izango direla adierazi zuen Gregorio Sancho Txagorritxuko Ikerketa Batzordeko lehendakariak.

Egitasmoetako bat Txagorritxuk lehendik zeraman loaldietako arazoei buruzko ikerketari dagokio. Sanchok adierazi zuenez, arlo horretaz «nahikoa lan» eginda zegoen, «baina aurrerakontu faltak eragin zuten arren, konbenio honek lagunduko dio».

Gainontzeko proiektuak kardiologiak, menopausiaz eta nerbio erregenerazioaz ikertzeak izango dira. Bestalde, Gregorio Sanchok jakinarazi zuen beste hamar bat egitasmo gehiago badaudela Txagorritxuko Ikerketa Batzordean diruz noiz garatuko zain. «Hauetako bat da erabiltzen ditugun osasun prozeduren inguruko auditoriari buruz, alegia, ea jendearengan egiten duguna

egokia den ala ez», esplikatu zuen.

Allenderen esanetan, Vital eta Txagorritxuren arteko konbenioa datorren urtean berriztuko da emaitzen arabera, Fundazioak konbenio mota hauekin egiten ohi duen gisara.

Sanchok gogorarazi zuen azken urteetan aldaketa izan dela, erakunde ofizialen dirulaguntzak izan direlako ikerketa arlorako. «Azpiegitura nahikoa sortu da ondorioz eta ikerketan munta handiko lanak egin izan ditu Txagorritxu ospitaleak». Ikerketa «ezinbesteko jarduna» dela esan zuen, baina eskuarki dirurik ez eta abian jartzetik ez dagoela erantsi zuen.

Menopausiaren tratamendu berrien lorpenak goraipatu dituzte adituek

A.Z. / DONOSTIA

Menopausiaren ondorioak pairatzen dituzten emakumeak tratamendu mediko berriei baliatuko balira, erdira jaitziko lirakeke nola miokardioko infartoen hala kaltzio falta dela eta gertaturiko hezur hausturen kasuak. Horixe baieztatu zuten behintzat Fernando Cristobal Donostiako Quiron Klinikako Menopausia Unitateko arduradunak eta Santiago Palacios Madrilgo Palacios Institutuko Menopausia Unitateko buruak.

Atzo goizean Donostian eskainitako prentsaurrekoan egin zituzten adierazpenok aditu biek. Izan ere, biek hala biek arratsaldean Arantzazu Etxekoandre, Kontsumitzaile eta Erabiltzaileen elkarteak 'Menopausia eta bizi-kalitatea' gaiaren inguruan antolatutako hitzaldian hartu zuten parte.

INFORMAZIO FALTAREN ERAGINA

Bi medikuek menopausia-rekin arazoak dituzten emakumeak tratamendua jaso beharko luketela iritzi zioten. Izan ere, bai Pa-

lacios bai Cristobalen iritziz, menopausia pairatzen duten emakume gehienak ez dira sendagilearengana joaten informazio faltak eta kultura «fatalista» batek sorturiko eragina dela eta.

Atzo bi adituek eman zituzten datuen arabera, EAEn emakumezkoen % 40a adin menopausikoan dago (500.000 andrazko inguru, alegia). Hala ere, berauetatik %3k baino ez du tratamendurik jasotzen.

Epe motzera jakina da zein diren menopausiaren ondorio nagusiak: beroaldiak, gogo txarra... Haatik, Palacios eta Cristobalen iritziz, ondorio kaltegarrienak epe luzera agertzen dira: «Miokardio infartoak jasateko arriskua gehitu egiten da, hezurrek kaltzioa galtzen dute, koloneko minbizia eta zahartzaroko eromena ere agertu ohi dira...».

Aditu bien aburuz, azken hogeitaz urteotan aurrerapen «izugarria» egin da arlo honetan, eta egun, tratamendu bereziei esker, erdira gutxitu dezakete hezur haustura eta infartoen arriskua.

Osakidetzako ikerketa batzordeak lan egutegia aztertuko du gaur

GASTEIZ

1990eko Osakidetzako lehiaketetan gertatutakoa aztertzeke Eusko Legebiltzararak osatu duen iruzurra ikeretzeko batzordea gaur hasiko da lanean. Formalki martxoaren 30ean osatu zen batzorde honek lan egutegia aztertuko du gaur, Parlamentuko iturrien azaldu dutenez. Legealdia amaitu bitartean egin beharreko lana zehaztuko da gaurko bileran.

Komisioko burua den Pablo Ruiz de Gordejuelaren (EUE) esanetan, Eusko Jaur-

laritzak prozesuari buruz duen informazio guztia eskatuko du lehenik eta behin komisiok. Exekutiboak 20 eguneko epea du informazioa igortzeko. Informazio jaso eta aztertu ostean, komisiok egoki ikusten dituen pertsonak dituko ditu deklaratzera, baina hori datorren hilabete hasiera aldean gertatuko da.

Eusko Legebiltzarak dituen hamalau urteetan sortzen den era honetako lehen komisiok da Osakidetzako 1990eko oposaketatan gertatutako irregulartasunak aztertuko dituenak.

HILDAKOAK

ARABA

- NABARIDAS Maria Anunciacion Ortiz de Viñaspre Saenz de Nabarrete, 42 urte.
- AIARA Jose Maria Ibarrola Saratxaga, 58 urte.

BIZKAIA

- BILBO Ines Zubieta Gorostia, 87 urte. Pablo Serrano Garcia, 85 urte. Miren Olaeta Legarreta, 64 urte. Lucio Rodrigo Lopez, 58 urte. Enrique Melero Aginako, 59 urte.
- ALGORTA Ramon Lopez Gonzalez de Zarate, 63 urte.
- AREETA Ignacio de Mendieta y Anduiza.
- BALMASEDA Angel Setien las Fuentes, 66 urte.
- BARAKALDO Arsenia Santamaria Ruiz, 78 urte. Luis Puente Vega, 68 urte. Pedro Fernandez Perez, 77 urte.
- BERRIZ Maialen Gerenabarrena Aranburu, 3 urte.
- DURANGO Victoria Lezuza Labeaga, 70 urte.
- ERANDIO Sebastian Barañano Izaguirre, 67 urte.
- MUNGIA Juana Maurologoitia Elordui, 85 urte.
- PORTUGALETE Beatriz Marañon Arzo, 100 urte. Francisco Pelaez Barrigon, 25 urte.
- SESTAO Eugenio Vizcaino Garcia, 85 urte.
- SOPELA Marcelino Lopategi Muruaga, 82 urte.
- URTUELLA Jose Miguel Cortes Gallego, 49 urte.

GIPUZKOA

- DONOSTIA Florentino Zubizarreta Eizmendi, 73 urte. Mercedes Tolosa Irazusta, 89 urte. Esperanza Etxandona Mortalena, 85 urte. Angeles Lopez Rodriguez, 86 urte.
- AÑORGA Francisca Izaguirre Goenaga, 88 urte.
- ERRETERIA Rafael Saez Goienetxea, 76 urte.
- ORDIZIA Antonio Merino Heras, 91 urte.
- ORIO Manuel Aiestaran Azkue, 36 urte. Engracia Maiz Pagola, 70 urte.
- PASAIA Armando Abal Lopez, 73 urte. Jose Joaquin Seco Marin.
- TOLOSA Francisco Eizmendi Zelaia, 80 urte.

LAPURDI

- DONIBANE LOHIZUNE Joseph Lahournere, 77 urte. Henri Haritzandi, 81 urte.
- HAZPARNE Francisco Palacio, 80 urte.
- KANBO Henri Pehau, 90 urte.
- MIARRITZE Nobert Herault, 68 urte.
- SENPERE Marie Etxeberria-Sucheyre, 54 urte.

NAFARROA

- IRUÑEA Angel Alvarez Navarro, 87 urte. Fermin Oiza Ancil,

- 75 urte. Concepcion Ferrandiz Jimenez, 76 urte. Guadalupe Ojer Hermoso de Mendoza, 84 urte. Estanislao Larraz Miguelena, 73 urte. Francisco Moriones Salaberri, 71 urte.

- ALTSASU Carlos Serrano Urroz, 57 urte.

- AZKOIEN Makuki Arretxea Plagaro.

- BERA Nicomedes Etxeberria Indaburu, 86 urte.

- BERUETE Miguel Martiarena Arraras, 79 urte.

- ETXABAKOITZ Leonardo Navarro Montejo, 81 urte.

- FALTZES Jesus Biurrun Juguera, 80 urte.

- GETZE Desiderio Erro Zugaldia, 87 urte.

- LEGASA Nicasio Oteiza Mitxeko, 78 urte.

- LIZARRA Simona Lopez Sanz, 58 urte.

- NOAIN Florentina Muniaín Landa, 91 urte.

- SAN ADRIAN Maria Etaio Nuñez, 30 urte.

- ZIRITZA Dolores Garcia Gomez, 83 urte.

- ZUDAIRI Benita Oribe Salazar, 83 urte.

- ZUGARRAMURDI Ildefonso Goienetxe Olagarai, 90 urte.

NAFARROA BEHEREA

- BUNUZE Dominika Etxegoin-Garre, 84 urte.

ESKELAK

ESKELAK HARTZEN DIRA:

ARRATSALDEKO

4ak arte: (943) 46 90 22

4etatik 7etara: (943) 37 15 45